

Les Minutes juridiques autochtones

DIVORCE

Uepanitun

Eukuan Educaloi mak Association des femmes autochtones du Québec ka uauitshiashit tshetshi apishish uauitakan tan tshe ishi-takuaitshanut miam ua uepanitinanut. Mate innu-ishkueu ui uepanat unapem, ekuat ute tshe petak tshekuanu tshe tutak kie tan tshe ishi-tshishpeuatishit.

Innu-ishkueu Betty ishinakashu, shash 12 pipuna eshpish niput. Kauapishin uitshimeu, François ishinikashinnu. Uipat nenu e tshishetshishepaushinit mishta-tshikamatuat, ekue unuiueshpimitakuat ashit utauassima Nishtinu utauassima. Nasht apu tshissenitak tan tshipa aitu. Ekue aimiat uitsheuakan Sylvie ishinikashinnu, aimieu tshetshi uauitshikut, kaimishuinnu..

Sylvie Kuei Betty, tan etin?

Betty Nimishta-matshipan um, nunuiueshpimitak ninapem kie nasht apu ushuniagian. Shash mitshetipipuna eshpish matshikaushikatut. Nasht nitishpan kie nitshishtimatshenimaut nitauassimat. Tshitshue nui nakatau, ma tshipa tshi uauitamun tan tshe aitian?

Sylvie Tshika uitamin kanipua eshinakuat uepaitu-takuaikan. Apu uesh ne natamik tshi ishi-utinakan. Tshinapem tshimatshikaushikatak, shash an tshitshi natueniten tshetshi ueueshiakan nite uepanitu-takuaikan.

Betty Nika tshi a kau tshiuenan nitinat?

Sylvie Eshe, tshika tshi tshiuen, tshin an ishinakuan tshetshi tipenitamin mitshuap, mauat uin tshinapem, usham innu-assit tshimateu ne tshitshuau, namieu an Innu tshinapem.

Betty Nimishta minueniten eshin.

Sylvie Ne uepanitu-takuaikan eshinakuat tshia, kassinu nite pitukamit ka ishi-takuat kie ne utapan, enishiek^u an tshitipenitenau, peikuan ne shuniau ka takuat shuniautshuapit. Ishinakuan tshetshi tipatshitakan kassinu tshekuan, tshi tipatshitakan tshe tetaunimatishiek^u. Shuniau tshika tetaunimatishunau kie mak eshi-kanuenitamek tshekuan. At shuk tshin

tipenitamin mitshuap usham innu-assit e tshimatet, tshika ishinakuan peikuan tshetshi tetaunimatishiek^u eshpitenitakuat, kassinu utin tshekuan, Atusseu a François?

Betty Eshe, shash 12 pipuna eshpish atusset minashkuat?

Sylvie François katshi pakuenakanikue ukaniun tshetshi tipanishtakanit miam punapanit tshetshi atusset, tshika ishinakuan tshetshi minikuin tetaut ka ishpish mautat eshpish nipuiek^u.

Betty Ouf! Miam kassinu tshekuanu uetanamak kuetenitaman. Nui kushtaua.

Sylvie Nitshisseniten, muk^u ishinakuan kie tshin tshetshi tshishpeuatishin. Ui nanitu-shetshikuiek^u tshika natuenitenanu mashinaikan nite kaueueshtakan tshe uitamuakan tshetshi eka nanutshikuiek^u nuash tshe ishpiush uemapin.

Betty Eka nitishpish shetishinaua katshi uauitamuin.

Sylvie Muk^u eshk^u mishta-mishau tshekuan tshetshi uauitakan. Miam mate auassiu-pakassiu shuniau kie ishinakuan tshetshi uauitamuk^u tan tshe ishpish tshi natshi-uapamat utauassima, miam utin tapuetamin. Ekuan pittama, ma patush tshika uauitenanu minuat.

Betty Tshimishta-nishkumitin Sylvie katshi minu-uauitamuin.

Miam utin ui uepanek^u tshuitshimakanuau, nite tshe aimiek^u kaimit kauauitshiuet. Nanitu-tshissenitamuk pittama usham tshipa tshi ishinakuan tshin tshetshi utin kaimit.

*Tutakanipan ume tshetshi nishtuapatakan takuaikan eshinakuat. Uepishtikui-
tshishe-utshemau-takuaikan eukuan ka patshitinak shunianu.*